


Preparacionnan a cuminza pa e proyecto di bushalte na San Nicolas



ORANJESTAD (AAN)--- Ya caba e preparacionnan a cuminza pa loke ta trata e realizacion di e proyecto di e Terminal di Bus na San Nico-

las, segun informacion di directiva di SNBA.

For di tres siman caba SNBA a drenta den un proceso di conversacionnan y

preparacion pa loke ta trata e proyecto aki conhuntamente

cu ARUBUS, D.O.W y Refineria Coastal.

Otro siman SNBA lo ta reuniendo cu e architect designer cu lo bay presenta e posible diseñonan pa e terminal aki y e diseño cu lo worde aproba lo ser presenta na Coastal hunto cu e aprobacion debido di D.O.W; tur esaki lo worde presenta pa asina por cuminza cu e tramitacion di traspaso di tereno y financiamiento di e proyecto na SNBA.

Ta spera cu pa fin di Maart

nan lo por cuminza cu e ground breaking di e proyecto ya cu te asina leu nan ta bayendo segun schedule.

Cu e proyecto aki nan ta ser spera cu esaki por keda completamente cla pa luna di Augustus of September, ya cu e proyecto aki ta forma parti di e plannan pa trece un bienestar economico y social pa e area di San Nicolas y Pariba di Brug door di aumenta e fluho y facilidadnan na e bishitantenan.

Fotos